



Red Barnet Grønland: Meeqqat juullisiorluartikkitt

decembarip 21-at 2018 · 07:27 uannga: [Thomas Munk Veirum](#) · Nutserisoq: [Connie Fontain](#)

Naak meerarpassuit juullimut qilanaartaraluartut, meeraqartarpoq juullimut qilanaangitsunik, matumani ilaqutariinni pissutsit akerleriissuteqarfiunerat pillugu juullip eqqissinarnera nuannaarnerlu misigineqanngitsoortaramik. Imaassinnaavoq anaana ataatalu qimassimasut imaluunniit meeraq qanigisaminik annaasaqarsimasoq.

Tamanna pillugu Meeqqat Ikiortigit Kalaallit Nunaanni immikkoortortaqarfianiit angajoqqaanut allanullu meeqqap pitsaanerpaamik juullisiorluartikkitt qulakkeerutaasinnaasunik arlalinnik siunnersuuteqarpoq.



Decembarip qaammataani juullimi naneruutit ikiteraangatsigit ilaqutariittut qanilaarnek misigisartakka ilagaat. Amerlasuut nuannaarlutillu qiimasarput, juullili meeqqat inuusuttullu ilaannut taama misigiffiuneq ajorpoq. Aliasunneq ilaqutariinnilu pissutsit akerleriiffiusut juullisiorluartikkitt ajornakusoortitsisinnaasut, Meeqqat Ikiortigit Kalaallit Nunaanniit Jonna Ketwa allappoq.

Meeqqap aliasunnini oqaasertaleruminaatsittarpaa immaqalu allat juullisiorluartikkitt aserorusuttarnagu. Tamannalu nalliuttuni kiserliornermik misigisaqalissutigisinnaavaat.

- Meeqqat ilaquttaminnik qanigisaminik annaasaqarsimasut juullimi aliasussinnaatillugit tapersorsorneqarnissaat, annaasimasartillu pillugu oqaluuserinnissinnaanissaat, suullu artornarneri pillugit oqaloqatigineqarsinnaasut, Meeqqat Ikiortigineersut siunnersuuteqarfigaat. Taamaangippammi artorsaatitik namminneq nammatariinnassavaat, Jonna Ketwa oqarpoq.

Angajoqqaat qimassimagaangata juulli meeqqat ilaannut artornarsinnaasarpoq, taamatullu pisoqarsimatillugu Jonna Ketwa angajoqqaanut ima kaammattuutissaqarpoq:

- Angajoqqaat qimannissaminnik aalajangersimasut qimannermik kingorna juullisiorluartikkitt qimannissaminnut suleqatigiillutik juullisiorluartikkitt qimannissaminnut lutik oqaloqatigiissutigisinnaavaat, suummi tamarmik allannngortariaqalernikuunerat meeqqanut sakkortusinnaavoq.

Imaangilaq angajoqqaat akunnerminni pisut pillugit sunngitsuusaarlutik pissasut, imaluunniit juulli pisarnertut ittariaqanngilaq, meeqqalli juullikkunni qitiunissaat pisariaqarpoq.

Ilaqutariinnilu aaqqiagiinngissutaasartunut meeqqat akuliutsinneqannginnissaanut tamanna sungiusaataasinnaavoq.

- Inersimasut ajornartorsiuteqarneranni meeqqat akuliutsinneqartariaqanngillat, taamaalillunilu meeqqat eqqissillutik peroriartorsinnaassapput.

Aammattaq juullikkunni imigassaq qanoq annertutigisoq pineqassanersoq inersimasut isumaqatigiissutigissagaat, Meeqqat lkiortiginiit siunnersuutigineqarpoq. Meeqqallu juullimi angajoqqaaminnut qanilaarnissamik pisariaqartitsinerat eqqaamaneqaqquaa.



Nutaarsiassanik pisartagaqarneq - KNR-imit emailikkut nutaarsiassat

Ullaakkut nutaarsiassat

Ualikkut nutaarsiassat

Breaking news

Email adressit

Postnormu

ILANNGUSSIGIT